

rate, quamplurimæ arbores è radicibus evel-  
lerentur, & militum permultorum tentoria  
per aërem, admirantibus omnibus, duce-  
rentur.

Apud campos Montoroni novum pugnae  
genus inventum est; fortissimi enim milites,  
qui armis circumfusi praestare ceteris solebant,  
nunc inermes longis jaculis lato ferro utuntur,  
quas lanceas cerealeas vocant; quibus aut in-  
ermem hostem, aut levioribus armis indutum  
Maurorum, Hispanorumque more feriant; quo  
in novo decertandi genere permulti, & clari  
quidem viri decubuerunt.

## LIBER QUINTUS EXPLICIT.

## SEXTUS INCIPIT.

**C**um ab utriusque illustrissimi Impe-  
ratoris Exercitu armis adhuc in-  
victis saepe certaretur, crevissetque  
plurimum etiam apud hostes Scipio-  
nis auctoritas; Nicolaus Quintus Pontifex  
Maximus pro officio suae Beatitudinis, paci,  
ac tranquillitati Italiae consulere instituit,  
cum propter sui nominis immortalitatem,  
quam ex pace consequi videbatur, tum &  
in primis propter Barbarorum victoriam,  
superata, ac direpta Constantinopoli, quae  
Urbs erat non modò Graeciae totius caput, sed  
Orientis decus, & ornamentum. Verebatur  
quin etiam, ne Rex ille Teucrorum savissimus  
Exercitum, quem habet ingentissimum, in  
Italiam trajiceret, & Urbem Romam rerum  
olim Dominam, firmamque Apostolicae Sedis  
stationem occuparet; quibus rebus duos Patres  
amplissimos, & Dominos Cardinales ex Colle-  
gii consilio legavit; alterum ad divum Alfonso-  
rum Regem, & ad Florentinos, quibuscum-  
bellum in Tuscia gerebat; Alterum ad Sereni-  
tatem tuam, Illustrissime Princeps, & ad In-  
clytum Imperatorem Franciscum Sfortiam,  
Mediolanensium Ducem, qui cum illustrissimo  
Venetorum Dominio de imperio certabat. Huic  
erat sociale bellum cum Florentinis; Tibi au-  
tem, Senatuique Venetorum sapientissimo cum  
Rege . . . . .

Sedente Senatu, Legationem exposuit, ac de  
pacis conditione responsum accepit; illico  
ad Annibalem Mediolanensium Ducem, qui  
Gaidi commorabatur, profectus est; hic pro  
veritate Pontificis Maximi de pace Italiae, de  
honore religionis, denique de salute Christiano-  
rum locutus, ad pacis conventionem pervē-  
nit, cui omnes Italiae Principes, & Respubli-  
cae assentiebantur; sed de modo, & conditio-  
ne pacis contendeabant; eademque divi Alfonso  
Regis, & Florentinorum erat sententia; Am-  
plissimus ill . . . . . cum esset apud  
Annibalem una tantum nocte ac magnificentis-  
sime receptus; literas prius quam ab illo di-  
scederet duodecimo Kal. Septembris ad Scipio-  
nem scripsit, quibus significabat, praedam pridie  
factam debere jure restitui, propterea  
quod tecum, Serenissime Princeps, convenisse  
confirmabat inter utrumque exercitum eo praesente  
inducias fore; Scipio autem, cui militaris  
rei scientia erat percognita, qui praedam  
eo die ingentem fecerat, ducentorum scilicet  
equorum, ac bovm jugatorum cum plaustris  
centum & sexaginta, versis prius in fugam

**A** Cum Scipio hostem deducere ad commu-  
nem pugnam nequiret, sextodecimo Kal. Sep-  
tembris, cum sola tyronum acie, cui Bous  
adolescens praerant, paucisque peditibus,  
& sagittariis praesidia castrorum Annibalis in-  
vasit. Quae ad obices usque infecutus est; quod  
factum Annibal simulans parvi facere; equiti-  
bus nonnullis levioribus, qui id orabant, di-  
micare concessit; hic tyrones, hortante tan-  
tum Imperatore, viriliter pugnaverunt, praesertim  
Johannes Cremanus, qui eo se die Prin-  
cipem suae aetatis ostendit, in hac pugna ex  
Bracchianis nonnulli sauciati sunt, tamen . . .

**B** praesidiis, captisque Praefectis militaribus qua-  
tuor, ad amplissimum Patrem in hanc senten-  
tiam prudenter respondit: „ Accepimus indu-  
„ ciarum literas, quibus nunquam assensu su-  
„ mus, cum adversus Annibalem, meliorem  
„ belli conditionem haberemus, Pabulatores  
„ cum Pabulatorum praesidiis invasimus, vici-  
„ mus, ut saepe alias. Nulla igitur est ratio,  
„ quampropter aut Annibal, aut tua dignitas  
„ queri possit; quandoquidem inter Imperato-  
„ res pactum nihil, aut conventum est; si  
„ quid alioquin tua me amplitudo facturum  
„ velit, sciat id me, & perlibenter, & dili-  
„ genter executurum.

**C** Octavo Kal. Septembris simulatus qui-  
dam transfuga ignem in castra Scipionis jecit,  
exussitque duo & decem militum tabernacula,  
equos viginti, & omnem ferè cum armis sup-  
pellectilem; hi, qui iacturam hanc passi sunt,  
sub magnanimo Duce, & mirè indolis adole-  
scente Johanne Antonio Gactæmelatae filio mi-  
litabant; quidam tamen Mediolanensis natio-  
ne ad Castra Venetorum transfugerat ad  
utrumque paratus, vel igni Castra incendere,  
vel morte certa occumbere. Idque evenit ho-  
mini ex sententia; captus enim dum facinori  
ingentissimo accingebatur, parata ingenti py-  
ra, flammis exultus est.

**D** Tibertus Brandolinus, & quidam dome-  
stici Annibalis familiares cum copia peditum,  
& sagittariis sexaginta quinto Kal. Septembris  
commeatus Exercitus Venetorum, quae Brixia  
Porcianum deferebantur, viriliter aggressi sunt,  
ad portas usque Urbis excurrentes. At cum  
nulli cognitus esset, praesidia & commeatus  
incautos occupavere; quibus pene omnibus  
captis, aut fugatis, ad Annibalem Gaidum  
versus revertebantur, captis omnibus ferè  
plaustrorum bobus, & oneratis ducum, mili-  
tumque & mercimoniatorum jumentis; sensit  
inter agendum equitatum hunc, Scipio dili-  
gentissimus, sumptisque armis, jubet omnes  
Duces Exercitus cum eorum militibus armis  
circumfundi. Parent omnes. Is primus celeri-  
tate nimia fretus occurrit hosti cum praeda ad  
Annibalem redeunti. Confert cum illo ma-  
num. Vincuntur Sforciani, quorum quamplu-  
rimi capti sunt, & praeda à Scipione magna-  
nimo vindicata. Hic Tibertus per insidias cum  
nonnullis cohortibus è silvarum latibulis pro-  
diit, Brachianos, Scipione absente, invadit;  
perpauci enim abeunte Imperatore remanse-  
rant. Pugnatur ab utrisque perquam fortiter.